

امور اداره و تحریریه سی ایچون
محمود بك مطبعه سنه مراجعت
اولئق لازمدر .

منافع ملك و دولته خادم و ادبیات ،
فنون ، معارف و صنایعدن باعث
هفت اقل غزته در .

مركز توزیعی استانبول
کتابخانه سیدر .

مجموعه ادبیات

۱۳۱۸

غروش
۲۰ برسنه لك آتونه بدلی { در سعادت
۱۲ اتی آیلق » » { ایچون
۲۶ برسنه لك
۱۰ آتی آیلق { طشره ایچون
آتونه اجرتی مقابلنده پوسته
پولی دخی قبول ایدیلیر .
غزته لك منتظماً نشرینی محمود بك
مطبعه سی تعهد ایدر .

دلفریب قز

جذب ایدن کولگی ایواه، بویه
او کوزل چشم سیاهکنده سنک،
کورینان نازلی باقیشلر ... کاذب

ربط ایدن کنجکلگی عشقه بنم
چهره صاف و منیرکده سنک
پارلایان طاتلی تبسم ... ساخته

سلب ایدن راحت و آرائی، هب
کورینان حال و قالکده سنک
دلفریب، نازک ادالر ... چاپقین

منیل نهادر

نثر :

رنکلی ژاله لر ! ...

— قرده شم باهره —

ایشته، تازه و مزه مزین بر حدیقہ ..
اویله باغچه که هر طرفده رنکلی لوحه لر، ..
تبسملر .. بوسه لر موج افشان اولیور ..
هر رنده باشقه بر لطافت وار . بریسی افلاطون-
نله مستغرق ؛ اطرافنی لیلای قی بوسه لرله تلطف
ایدیور . دیکری، کونشک اقشاملری آفاقه اهدا
ایتدیکی صوکه رنکار ایله ملون، قیرمزی، دائماً
قیرمزی تبسملری صاچیور . اوتکی ایلمک بوسه لر؛
صاف اولان پنبه لر بورونمش . تولدن پنبه لر ..
صاق پنبه لر ...

فقط بونلرک آرمه سنده بر صاری کول وار .
اوت صاری . روح قدر بی حس ، جسم قدر
پیتاب !

بو متورم ، بو مغموم کول ، اوت بو واقع
اکدار و رفیق حیاتم اولان بوساری کول، صاری،
دائماً صاری .. هپ صاری ..

بو حدیقہ نیک برکوشه سنده چاغلیان؛ بر کوچک
نغمه پرداز بوزمین و مشکین ، بو آماده ترنم
شکوفه لر مزین نشیده لر ، محرق موسیقیلر
او قویور . اورته ده بر فیسقیه بوچیچکلره صنعی
ژاله لر صاچیور . الوان ازهار ایله ملون افلاطون،
پنبه ، قیرمزی ، صاری ژاله لر ...

بونلر قلمک کریمه لری قدر مغموم ، کوز
یاشارم قدر محرق درر

بو تصویر لرمدن برشی اکلا دیکرمی ؟ قارئلر!
بن بوسوز لرمله شو حقیقتی اکلا تمق ایستیورم که :
بوفدان بنم جسمم ، بوچیچک بنم روحم،
اوفر یاد ایدن بلبل بن، بو ژاله لرده کوز یاشارمدر .
۱۴ کانون اول - کیچه

نار

مقاله طبیه

النظافة من الايمان

احکام قدسیه شریعتک وامرو نواهیسی سزایا
فضائل قدسیه روحانیه، منافع مادیه و معنویه ایله
موشح اولدینی کی مصدر حکمیات دینییه و منبع
علوم دینییه اولان قریمه الهام صبیحه فخر رسالتنا-
هیدن شرف صدور ایدن [النظافة من الايمان]
حدیث حکمت بیانی دخی نیجه مقاصد علویه دینییه
واستفاده حیحیه بدنییه می شاملدر .

ودیمه کراتهای سبحانی اولان حیات بشرک
حضور و راحت و کمال رفاه و سعادت ایله گذرانی
ایچین نظافت و طهارت بدنییه رعایت ایتمک لازم
اولدینی وارسته ایضاحدر ،

بعضاً طهارت و نظافتده جزئی بر تسامح